

四明叢書

張宗祥



宋元學案補遺卷六十二

目錄

西山蔡氏學案補遺

西山先緒

蔡先生諒

補蔡先生發

晦翁門人

補蔡先生元定

西山講友

周先生南詳見水心學案

西山學侶

邱先生密詳邱劉諸儒學案

吳先生楫別見晦翁學案補遺

西山同調

謝先生深甫

西山家學

蔡先生淵

蔡先生沆

蔡先生沉

蔡先生模

詳見九峯學案

蔡先生格

見下節齋家學

節齋講友

黃先生榦

詳勉齋學案

輔先生廣

詳潛庵學案

廖先生德明

詳見滄洲諸儒學案

張先生洽

同上

陳先生孔碩

同上

萬先生人傑同上

節齋學侶

李先生燔

詳見滄洲諸儒學案

李先生方子

同上

陳先生文蔚

同上

潘先生炳

同上

楊先生復

同上

林先生夔孫

同上

李先生闕祖

同上

沈先生僴

同上

戴先生蒙

同上

包先生揚

詳見槐堂諸儒學案

葉先生采

詳見北溪學案

節齋同調

真先生德秀

詳見西山真氏學案

陳先生宓

詳見滄洲諸儒學案

陳先生韡

詳見水心學案

黃先生自然

別見西山真氏學案補遺

王先生埜

詳見西山真氏學案

復齋同調

呂先生大圭

詳見北溪學案

西山門人

邱先生崇

毛先生壽朋

翁先生易

別見滄洲諸儒學案補遺

邱先生壽邁

別見邱劉諸儒學案補遺

吳先生雅

王先生域

翁先生陞

西山所傳

彭先生口

節齋家學

蔡先生格

蔡先生柄

蔡先生模

詳見九峯學案

節齋門人

補陳先生光祖

補翁先生泳

熊先生剛大

詹先生樞別見滄洲諸儒學案補遺

劉先生彌邵詳見艾軒學案

宋先生慈別見西山真氏學案補遺

復齋家學

蔡先生楠

蔡先生欄合傳

素軒門人

湯先生潛

祝先生煒合傳

西山私淑

黃先生瑞節別見晦翁學案補遺

劉先生瑾同上


節齋私淑

胡先生方平

詳見介軒學案

蔡氏續傳

蔡先生續中 附門人張肩吾危孝先趙仲通



宋元學案補遺卷六十二

後學
王梓材
慈谿馮雲藻同輯

西山蔡氏學案補遺

西山先緒

國錄蔡首陽先生諒

蔡諒字守信建陽人號首陽居士紹聖四年鄉貢入官太學以文行名是生牧堂先生

蔡氏九儒書總述

梓材謹案詹太常爲牧堂墓表云承父國錄君嚴訓何屏臺爲潭陽文獻蔡氏卷引稱其由太學授國諭當以

國錄爲是

補
蔡先生發

蔡發字神與建陽人博學強記高簡廓落不與世俗相
俯仰因去遊四方聞見益廣邃于易象天文地理三者
之說無所不通而皆能訂其得失杜門掃軌專以讀書
教子爲事朱文公嘗稱所以教子者不于利祿而開之
以聖賢之學其志識高遠非世人所及

姓譜

梓材謹案先生之字蔡氏儒書作
神與是書纂自蔡氏後人當是也

天文星象發微

自昔天地混茫未開象固渾然而莫窺迄夫闔闢旣定

則有燦然而可考人居其中苟委之祕密而不求將何以參三才而靈萬物哉故曰天之高也星辰之遠也苟求其故千歲之日至可坐而致也因不揣愚昧博稽羣書附以己意著是論以發其微

天至大而無所不包其形如彈丸朝夕運動中有南北兩端後高前下乃樞紐不動之處其運動者亦無形質但如勁風之旋當晝則自左旋而右向值夜則自前降而之後當夜則自右轉而復左將旦則自後升而趨前旋轉不窮升降不息是爲天體而地則氣之渣滓聚成

形質其來如勁風旋轉方中故得以兀然浮空甚久而不墜本義云乾一而實故以質言而曰大坤一而虛故以量言而曰廣又云以形言之則天包地外地在天中所以說天之質天以理言之天之氣卻盡在地之中地盡承受得那天之氣所以說地之量廣胡安定曰天者乾之形乾者天之用天形蒼然南極入地下三十六度北極出地上三十六度狀如倚杵其用則一晝一夜行九十餘萬里人一呼一吸爲一息一息之間天已行八千餘里人一晝一夜有一萬三千六百餘息故天行九

十餘萬里天之行健可知其體周圍三百六十五度四分度之一徑一百三十一度四分度之三凡一度爲一百分四分度之一卽一百分中二十五分也四分度之三卽一百分中七十五分也地體徑二十四度其厚半之勢傾東南西北之高不過一度邵康節先生謂水火土石凝而爲地今所謂徑二十四度者乃土石之體耳土石之外而接于天皆包于地地體之徑亦得一百三十一度四分度之三也周禮以土圭一寸折一千里天地四遊升降不過三萬里土圭之影尺有五寸折一萬

五千里以其在地之中故東西南北相去各三萬里春遊過東三萬里夏遊過南三萬里秋遊過西三萬里冬遊過北三萬里今曆家算數以土圭測之皆合橫渠先生云天與日月皆是左旋天行甚健東出地上西入地下動而不息一晝一夜周三百六十五度四分度之一又過一度日行平健次于天一晝一夜恰好周天三百六十五度四分度之一而毫無所過無所減只是被天進了一度日卻成退減一度二日天進二度日卻成退了一度積至三百六十五日四分度之一則天所進過